

Na osnovu člana 12. Zakona o organizovanju i djelokrugu kantonalnih ministarstava i drugih tijela kantonalne uprave Srednjobosanskog kantona ("Službene novine Srednjobosanskog kantona", broj 15/12) i stava 4. člana 43. Zakona o osnovnoj školi ("Službene novine Srednjobosanskog kantona", broj: 11/01 i 17/04), Ministarstvo obrazovanja, nauke, kulture i sporta donosi

P R A V I L N I K¹
O DOPUNAMA PRAVILNIKA
O PRAĆENJU NAPREDOVANJA,
PROVJERAVANJU I OCJENJIVANJU
UČENIKA U OSNOVNOJ ŠKOLI

Član 1.

U članu 14. Pravilnika o praćenju napredovanja, provjeravanju i ocjenjivanju učenika u osnovnoj školi ("Službene novine Srednjobosanskog kantona", broj 5/10) iza stava 2. dodaje se stav 3. koji glasi:

"(3) Učenička postignuća ocjenjuju se opisno u prvom razredu i na kraju prvog polugodišta drugog razreda devetogodišnje osnovne škole na osnovu definisanih ishoda pojedinih obrazovnih oblasti (nastavnih predmeta u nastavnim planovima i programima usklađenih sa zajedničkom jezgrom nastavnih planova i programa za osnovno devetogodišnje obrazovanje).

U drugom polugodištu drugog razreda učenička postignuća se iskazuju opisno i brojučano, s tim što se na kraju drugog razreda izvodi brojučana ocjena."

Odredbe stavova 1. i 2. ovoga člana primjenjivat će se od početka školske 2016./2017. godine na učenike koji započinju osnovno obrazovanje u navedenoj školskoj godini.

Dosadašnji stav (3) postaje stav (4).

Član 2.

Ovaj pravilnik stupa na snagu danom donošenja i bit će objavljen u "Službenim novinama Srednjobosanskog kantona".

Broj: 01-38-735/16
3. juna 2016.
Travnik

MINISTRICA
Katica Čerkez, s. r.

¹"Službene novine Srednjobosanskog kantona", broj 7/16